



明詩正聲卷四十五 五言排律三

廣陵


盧純學

江一夔校閱

選

輯

印



德藩白雲亭觀珍珠泉作 李先芳

帶礪開宗國湖山列祖筵泛槎滄海上張樂白
雲顛臺榭吞寒浦笙歌拂夕煙地靈歎玉屑天
派瀉珠泉鮫室光逾媚驪宮夜不眠月中疑畔
出水底見星懸詞客頻中聖君王正渴賢本支
流不盡千古鏡常圓

元日早朝

北極開天覲東皇建歲春履端傳漢制稽首戴
堯仁麗日明丹闕非烟隔紫宸神龍扶輦轂威
鳳吐絲綸露掌金仙下天門象魏陳人呼嵩萬
壽樂奏月重輪玉帛冠裳會貂璫肺腑親踰踰
環珮裡獻賦有孤臣

秋日善果寺

刹飛龍藏地山枕鳳城隈海月懸珠網秋風擢
錦苔曇雲象外合御氣日邊迴僊梵聞閭闔人

天護上台辦香金磬簇四座滿蓮開鷓繞菩提
樹狐叅般若臺捫蘿尋白社秣馬振緇埃習靜
依迦葉觀空了劫灰祇園傳妙果覺路見如來
莫問高僧臘長松手自栽

舟中作

放船當落日鼓棹及新晴急溜迴帆影空巖荅
鼓聲月明兩岸濶風定半江平自信神仙吏因
滋山水情彈琴留異績遺犢愧虛名一職曾何
補三年未有成簿書華髮變舟楫壯心驚何處

聞漁笛鄉思滿杜蘅

將赴謫所便道曹南懷陳近衡大行十二

韻

昔拜蘭臺令今承玉殿頭批鱗辭北闕跼翼下
南州地圻長河險天空片月流岼花深浥露野
樹澹宜秋忽念朝中舊還期澤畔遊青雲堪努
力白髮易生愁罄折風塵晚瓠居歲月適雙龍
悲按劍五鳳憶登樓末路難相假初心耿不休
楚魂吟未歇魯殿賦先收遷客希知己窮途憚

阻修不知陳仲舉一榻為誰留

登六榕寺塔

黎民表

寶鐸搖青漢金輪逼紫微衆香攢繡栱九級敞
璠扉仙樂飄空下天空雜雨飛萬形紛萃律千
仞轉高巍檻頰霆相激櫺開月吐輝侵雲看樹
小入海見山稀側足應防險觀心擬息機永言
齊浩劫更拂六銖衣

送胡內翰北上

方弘靜

冠蓋留都動煙霄去路平禁庭才子選祖帳故

人情起草年方妙揚帆興自清江雲隨畫鷁湖
柳變啼鶯北極三台切南圖六翮橫諸公推轂
久雅志折圭輕禮樂今無外干戈尚有征倘因
前席問感激為蒼生

金山

蹇達

見說金山勝于今得眺遊孤標吞巨浸砥柱截
中流楚越千峰出乾坤萬象收雲連吳苑樹風
擁秣陵舟澤國蛟龍伏澄江鷗鷺浮夕陽開北
固海色澹瓜洲是處堪為樂何簪不可抽江湖

廊廟意此日並悠悠

元日舟中寫懷

姚汝循

羈旅三年客歸途歲復新支離悲往事寥落歎
茲辰浮跡易為感孤懷難具陳遼天雙折翼涸
轍一窮鱗寬法猶明主深交耐眾人終成三
卯棄莫道寸葵伸雪泛巴江夕梅驚楚岫春放
歌同澤畔鳴玉想楓宸鷓侶何由接鷗羣祇自
親行葢思醉酒勲業付垂綸絀袴頻登用儒冠
竟誤身物情堪涕淚世路搃酸辛黃綺商山外

巢由潁水濱且須從所好高步躡芳塵

送少司空鳳竹徐公奉詔督治漕河

國餉資漕輓河渠實要津君王勞顧念元老出
經綸飛牘抒丹悃褒章下紫宸都俞今復見眷
遇古無倫計日征軺蒞傾城出祖頻賜衣兼豸
繡擁傳是熊輪望重周居魯才高嶽降申風雲
看際會龍馬奮精神自昔工為政茲來悅使民
諏詢周吏士義氣動神人海若將從役馮夷敢
作屯滄波千里瀉夙志一朝伸貢篚通夷夏軍

需塞 帝闈玄圭告成事白璧獎勞臣禮數榮
三錫聲華蓋八垠他年應配禹不日且持釣獨
愧淹多病無能致一身鉛刀雖自許藥裏轉相
親但願常台鼎何防終隱淪化成有餘潤亦得
逮窮鱗

春日鄭子陽陳爾瞻沈秉忠過集齋中

歐大任

童子鈎簾起啼鶯乍過墻日高花氣煖風細柳
絲長蜚几時焚葯荒齋亦理觴客能從蔣詡郎

自老馮唐竹下通深徑
谿頭出大航雅游因此
地何必讓清漳

夏日周公瑕馬從甫陸成叔同集悅上人
禪房

嘉會逢休沐城南枉客車
竹深三徑裡松偃六朝餘
貝葉齊書箴蓮花照梵書
詞華青玉案禪誦白雲廬
斐几涼蕉石清齋贍筍蔬
逍遙持論後玄度竟何如

重集錢大園

高永祉

勝覽臨芳甸良遊屬令辰
花開千樹滿柳變幾枝新
煙外聞啼鳥波中見躍鱗
風光如媚客物色似留人
酒正巡栢數歌工進曲頻
因知今歲賞不減故年春

雙燕來巢

陳大震

來疑金殿裏去認玉樓西
下上聲初應差池影忽低
入簾尋舊壘遵渚覓新泥
化履身猶在為釵夢已迷
賀成欄際語避尅棟陰栖
願得長相見年年芳草萋

擬蘇屬國秋日得李都尉書 錢兆賢

魚書傳上國鴈帛自邊陲季月絨開處殊方淚
下時殷勤存舊誼悽斷見新辭草色迎新變笳
聲向夜悲降胡應有意歸漢遂無期萬里從今
隔唯餘兩地思

甲戌除夕詹侍御爾欽以余與顏別駕範
卿將北上張燈預為元宵之賞徹曙而
別各賦十韻得青字 黃克晦

除夕非元夕燒燈百朶青年華從自去客思且
須停節晦全沉月臺高忽聚星九枝花燁燁半
樹火熒熒剖蚌從南海燃犀自北溟清光開暗
室虛白照玄亭對語中心好翻歌側耳聽但教
金爵滿那管燭龍醒歲酒方離宴春暉已滿局
脂車今不惜日際訪仙真

觀裴都諫宅中石山

怪石嶙峋起高軒揖讓前秀當花露泫翠與棟
雲連鷲嶺飛來小龍門擘後穿濤痕注際黑月
影竇中圓磊落全披霧峻嶒欲補天礪金光爍

燦攻玉白娟娟角似秋鷹擊蹲疑夜虎眠君心
元不轉彼質亦何堅作雨從膚寸為山自一卷
誰言成岳立不在積埃涓

逸老堂為王總兵維綸題

陳純

汗馬當年事林泉此日心買山成小築入徑愜
幽尋百尺樓臺迴千章竹木深朱簾飛積翠粉
堞隱層陰暗水添芳沼晴雲度茂林雨涼魚競
躍春曉鳥爭吟俯檻和風得開軒朗月侵逢迎
頻倒屣瀟灑一披襟舞女花前態歌兒扇底音
總戎存白髮結客散黃金勾夢終天地浮雲盡
古今此中堪逸老尊酒日登臨

醉顧玄緯墓

周天球

烟霞同抱癖林壑幾尋幽月載泉頭酒雲眠竹
裡樓玄心知獨賞白髮許相求此後山中別若
先地下游筆從題寄絕書愧拾遺收
玄緯作書
寄余投筆
而暮雨來孤棹寒烟指一丘琴亡泉自韻鶴去
表仍留今古空回首存亡黯結愁

上尹洞山宗伯

張文介

一代文章伯三朝柱石臣
雄才班馬輩厚德閔
顏倫望道恒虛已
旌忠獨致身九重資
啓沃庶士荷陶甄
宵殿頻分炬春宮幾
賜珍華夷瞻氣象
龍馬比精神秀句流
寰宇清風滿縉紳
駉乘卑博陸開閣
隘平津聖主恩殊渥
蒼生望正頻召公分
陝日伯益在虞辰
暫醉金陵月行持
玉殿鈞固湏垂竹帛
且見畫麒麟有士蒙
題鳳無媒尚繫鶉漫
懷商鼎念空老越江
濱抱憤常彈劍含悽
久卧薪半生悲黯黯
千里走逡逡獻賦隨
流俗吹竽混衆人
嵇康非喜仕原憲豈
憂負倘憶山陽舊
深衷願一論

送費懷石使君巡行越中

溽暑勞王事遠巡滄海東
却憐山水好宛向畫
圖中萬壑雲木秀千谿
潮汐通石傳神禹穴郡
即越王宮蘭色杯中綠
荷花鏡裏紅夜樓觀海
日朝舫快樵風李白詩
元捷相如賦更雄探竒
得佳句頻願附新鴻

澂甫諸君携具游吳山
鷄栖園坐有聲伎

歡暢竟日時茂吳招飲孤山不果赴却
簡得二十韻
王叔承

旭日催藍輦荼蘼挂短筒晴嵐來睥睨城市得
青葱此地真靈境何時幻鬼工塞蘿登窈窕拂
蘚入玲瓏峰似洞庭采路疑天闕通芙蓉千片
墜翠黛九華籠亭迥泉聲寄樓寒竹色融迸崖
竒樹古浮澗小魚紅怪石當人出層巒映酒蒙
岫懸詞客榜壁綴羽仙宮江白來林表潮鳴到
座中飛觴留返照新茗挹清風山鳥驚妖妓岩
花倚變童艷歌雲忽墮狂嘯壑俱空秉燭攀虛
磴隨星俯碧叢更憐湖近左只少月橫東有夢
曾招鶴相思隔斷鴻明霞期晚酌流水聽枯桐
酣暢今誰達游觀古自雄孤山林處士千載寸
心同

陳仲約宅同陸無從賦

水郭一茅廬門多長者車野人開白社詩句本
黃初契合交呼汝懷高道起予茗浮懸檻萱酒
薦出江魚下榻羣星爛論心片月虛此生拋短

日言正聲
卷之四十五
一
褐誰復曳長裾老去書猶著閒來圃自鉏草花
秋態雜琴劍古風餘世路終朝菌山巖百歲樗
飄零洙泗叟亦竟歎歸歟

遊靈谷寺次顧尚書韻

胡坦

靈谷稱幽勝清游副夙心山蟠琪樹逸谿靜瑯
泉深翠篠僧房亞青蘿鳥道侵麋麕眠蕙麓鶴
鶴舞松林卓錫龕千尺無梁殿十尋廡間觀画
意掌內聽絲音探歷息塵慮登臨豁素襟玄宮
藏劍烏秋望亦森森

贈陶宗伯兼攝司空

胡旦

弘景非凡致淵明曷逸才君為賢哲裔位切上
中台白首三朝望朱扉八座開已惇周典禮兼
飭舜工材奏績盈天地覃恩及艸萊賀湖塘上
月秦嶺郭前臺清夢應時到重聞歸去來

趙太史復官還朝寄別

朱正初

白日當雲霧批鱗一疏先發奸崇禮重謀國許
身捐削籍重生日歸耕不死年朝紳推大道人
理托明賢憔悴江潭跡淒涼谷口眠風雲仍合

日言上卷
卷之四十五
十一
泰星斗忽迴天樹色春連驛潮聲曉放船還朝
臣節異入侍 聖明憐語向金華接名從紫極
懸為霖應早晚不使席空前

花朝聽朱在明小青衣歌十二韻

葉之芳

画閣芳菲候華筵艷冶朝美人疑雪對小玉坐
花邀眉愛徵歌蹙容窺動脰嬌鸞音驚細吐鶯
舌覺新調激處梁塵落翻時幕露飄未隨龍女
笛堪合鳳娥簫泛徵香盃閣流商絳蠟消靈葩
齊破蕊纖柳盡抽條且闔秦樓齒無論楚館腰
爐温歡轉劇月白興彌饒顧曲慚彈技題詩荅
屢招知君憐子夜翠羽在蘭苕

冬夜同沈叔成梅客生馬用昭朱汝修盛

泰甫邀歐楨伯李襲美李惟寅梁持伯

集苑西草堂得簾字

茅溱

草堂驚歲晚尊酒喜相淹雪霽青山在烟凝紫
禁嚴琴書堪共適意氣復何嫌老我江湖遍諸
君吏隱兼天涯同黯黯夜飲故厭厭談罷風生

塵詩成月滿簾才情誰獨步世事每掀髯龍劍
看俱利鉛刀敢謂銛歌翻金縷曲盤出水晶鹽
不醉休歸去無勞問漏籤

秋晚贈丁從吾將軍退耕

高燼

老去西河守年來物外踪魯連身易退李廣數
難封慷慨因時出齟齬與世逢捫心憂戰伐回
首惜勲庸世路方三已君門自九重剪鯨空大
壑射隼下高墉世事看碁變悲懷對酒慵志曾
輕一缺心已薄千鍾負郭無中產移家問老農

計疎甘用拙道直豈能容築圃湖邊墅開軒海
上峰閒情裁薜荔幽意采芙蓉寒務即今畢期
君坐古松

奉陪張大司馬登檀州北城樓

柳應芳

縱目層樓上時開旅客顏山臨胡塞斷水繞漢
城閒秋色孤鴻外邊聲萬馬間從軍唯顧霍投
筆每懷班禪將纔乘障名王已扣關令公多暇
日登眺不知還

贈萬職方擢兵憲西粵

出鎮掄司馬中朝節鉞專長城當二華孤戍俯
三川隴月飛羌笛洮雲擁漢旃單車經塞上疊
鼓奏軍前 聖主無西顧戎王屢北遷景功何
處勒聞道過燕然

汝南張開府歸自靈武再起貴陽不果赴

賦贈十二韻

憶昔勤王日常乘大漠營邊關舊開府河朔倚
長城虜急多求市兵閒半事耕廟堂功屢奏金

幣賞仍行一受中山訪誰尋息壤盟拂衣欣未
老按劔恨難平汝上休纔乞黔陽寵復征也知
拚白首強起為蒼生却感衡門意徒傷魏闕情
菊松還自愛猿雀莫相驚嵩嶽書堪著梁園賦
可成風流君足擬努力漢西京

同諸子登徐翁仍閣風閣

梅蕃祚

列第開形勝高樓薄太清霞標連棟宇天路接
簷楹北瞰龍池近東臨雉堞平衆山青帶郭雜
樹碧圍城好鳥常聞語奇花不辨名水雲邀翰

墨松月隱棋枰美景成嘉會佳期問夙盟詞人
簪筆至公子倒衣迎已竭淹留興殊深宴賞情
慚余叨下客廁席愧時英

坐中有客談黃山諸勝皆所未聞不覺色
喜有作

見說黃山勝玲瓏千萬峰陰崖躡虎豹窟宅起
蛟龍玉女三花樹仙人九節筇湯池如火沸藥
鼎見雲封咲語天疑應竒探世莫逢安能生羽
翼與汝得相從

上大司成張公

公洛中人

江震祚

昭代崇文獻朝廷重老更黌宮雄樸斲神祖
自經營壁水澄千頃雲扃麗萬楹嚴森龍虎闕
豁廓帝王城盤鬱規模遠巍峩創制宏辟雍
新典則金馬舊嶂嶸敷教遵虞聖弘風盛漢明
人臣尊祭酒天子拜桓榮四嶽欣瞻德諸蕃
願識荆進賢冠楚楚蒼水珮瑩紫氣騰奎壁
清芬挹蒞蘅聲華高北斗詞賦逼西京禮樂稱
尊席斯文獨主盟威儀周太史刑範魯諸生彩

眩藍田玉光呈赤石瑛魚龍爭變化驪裏各縱
橫桃李培千樹門墻走入紘自慚轅下質得侍
洛中英日覩伊瀍秀時聆金石聲終身應有托
下士辱知名弟子依尼父君王念汲卿徵書當
不久朝野待阿衡

春日江樓晚望

丘陵

飛棟遙憑處高高四望通山陰寒翠障江影抱
晴虹雨霽田疇潤春明草木融烟騰遠村外笛
起暮鄰東去鴈衝殘照孤帆掛晚風歸心何所

寄一棹五湖中

舟下新安江抵嚴州十韻

顧冶

柔艣急清川飛窓拂曙烟酒帘疎柳外津閣斷
橋前石觸狼牙沸帆迴鷺影鮮縈波紋齒齒奏
瀨響濺濺亂屋斜通樹平坡雜砌田空青攢峭
嶺温碧膩流泉水次團薪市岩闕上稅錢趁魚
鳴翡翠行汲露嬋娟客倦隨人後歸懷得夢先
一州嚴可姓千古鈞誰懸

聞趙汝師自宮庶晉秩南國子祭酒寄贈

二十韻

憶自朱游後如君第幾人談鋒齊折角請劍闢
批鱗寸簡酬良史千秋見素臣商顏滿芝曲漢
詔下蒲輪起草明光月尋花碣石春崇班分鶴
禁清蹕擁雞晨道大空金馬才高遲玉麟觸蠻
輕戴晉漁獵重先秦管仲專軍政韓非切事情
開心收國士攬涕疏流民漫爾勞平準憑誰破
積薪徘徊辭博望瀟洒赴成均槐市青衿濕荷
香絳幄新鎬豐首濟濟鄒魯木斷斷况復風斤

老能無兩化勻一夔足典樂六館屬陶鈞沼鳳
行將及雲龍會有神文章懸桂殿姓字注楓宸
賈傳當年計留侯此日身至尊勤寤寐珍重布
絲綸

贈蘇中丞巡撫晉陽

潘高

澤潞襄燕甸并汾表晉陽輿圖存帶礪夷夏限
金湯 聖主親推轂中丞統職方繡旗回斗極
寶劍撫戎羌萬里章雷電三軍肅曉霜威靈宣
朔漠鎖鑰重封疆右輔勲先集西陲伐用張陣

開魚麗壯師奮虎賁強城朔周南仲籌遼漢子
房位崇中執法纓係左賢王豐草歸牛馬窮廬
道犬羊三關銷燧火八郡富蠶桑夜月絃歌沸
秋風禾黍香遷鶯鳴細柳捷騎奏長楊有赫龍
光燁無疆鳳曆昌賜衣公袞赤頒酒上尊黃濟
世須舟楫擎天有棟梁五刑明折獄一德輔垂
裳步曳星辰履身依日月光烹調成鼎實敷歷
振乾綱獨愧膺門士蕪詞喜贊揚

明詩正聲卷之四十五

明詩正聲卷四十六 七言排律

廣陵

盧純學

選輯

江一夔

校閱

思春

宋濂

美人別我城南去幾見樓頭涼月生南浦沉書
尋素鯉東風將恨與新鶯下香枝上同心結九
曲燈前白髮明花託芳魂隨鵲夢草移愁色上
簾旌物華半老燕脂苑春影輕籠翡翠城歌扇
但疑遮月面舞衫猶記倚雲箏因彈別鶴心如

剪為妬文鴛綉懶成官燭不啼偏有淚湘桃無
語自多情岩南樹密晨鳥集江北潮回暮渚平
幸有夢中能聚首喚醒恨殺短簫聲

次韻和劉彥基憶山中

劉基

句曲峰高倚太陽不風岩谷自清涼四時嵐彩
霏瓊屑百道泉流湛玉霜雅稱采芝追綺季尤
宜散髮學嵇康龍鱗璀璨錯松當徑鳳尾褊樵竹
過牆月上海門蟾早覺露寒天宇鶴先嘗仙人
卓劍降魑魅道士書符禁獮狂寶氣丹光生夜
窳黃精白朮引年長茅君虎卧瑤壇上蕭史鸞
栖碧殿旁桂樹寒山違謝客桃花流水憶劉郎
猿猱任占青蘿帳薜荔從生綠石林世難有身
空自累詩成無鴈倩誰將欲憑錦瑟傳幽思才
理朱絃意已忘

分題樾臺春曉送仲迪還瓊 劉謙

層臺高奠鬱差莪銅雀凌猷勢未過高逼雲霄
朝玉闕雄吞珠浦接牂牁林巒向曉開圖畫花
草當春絢綺羅登眺但知增感慨別離休更問

如何留人戲蝶翩翩舞度柳嬌鶯宛轉歌坐愛
滄波澄碧落醉看紅袖擁雲和興來起舞情何
壯別後相思鬢易皤衣袂忍分成契闊客程須
早莫嗟蛇功勛先世曾開國海宇如今已不波
汗馬承家有賢姪角巾瓊管日吟哦

都門曉望

金幼孜

春滿皇都淑氣清偶來縱目一舒情遠山漠漠
平臨野綠柳依依半入城負郭牛羊初散牧隔
花鶯鳥自和鳴玉泉近繞宮牆過香霧遙從島
樹生天上旌旗迴仗影人間簫管雜歌聲也知
聖代多恩澤况是豐年樂太平

送金學士第幼孝還新淦

余學夔

玉堂初日省難兄復唱驪駒別帝京客舍喜
開華萼會離筵深感鵲鴿情天邊嘹唳寒鴻起
日下徘徊紫鳳鳴飛雪散時冰水合行人過處
浦雲生舟經鷺渚斜連海江轉鄱湖直到城郊
外曉烟隨去馬山頭啼鳥候歸旌將來寶劍回
風舞分得黃封對客傾若向郡城論勝事為言

麟出秦階平

賦得鍊瓮城送劉御史省親歸閩

王恭

山遶南徐鍊甕城昔人曾此駐吳兵三分割劇
前朝事百雉縈迴萬古情獨樹微茫瓜步遠滄
浪迢迢練湖平關河下望通南服霄漢平臨接
上京北固曉雲浮古堞丹陽寒火出連營峰迴
句曲青蕪斷江入維陽白鴈橫香界夜燈雙寺
影成樓風笛萬家聲烏臺驄馬寧親去綠酒紅
亭惜別傾津吏共迎冠冕貴晨門爭識綉衣榮
明朝若到閩關上多少行人羨馬卿

酬牛廷理

張寧

文韜武略擅時英親奉除書下玉京黃閣才華
新黼黻錦衣人物舊簪纓登壇虎衛承恩早射
策龍門錫命榮兩浙風塵行處息九重日月望
中明雄驅欲問雲中虜保障偏臨海上城橫槊
吟成朝戲馬運籌竒出夜談兵回天空有潼關
夢報主無由朔漠行欲向轅門歌吉甫願陳威

明言正聲
卷之四十六
四
德濟蒼生

郡齋同王元美賦得明字

李攀龍

落日千山短髮明
蕭條轉見故人情
時危小郡徵求少
秋至高齋卧理清
豈謂文章妨遇合
深知偃蹇負平生
論心對我杯中物
握手看他世上名
遂使浮雲愁大陸
何來二子在孤城
風塵如此仍為守
愧爾新詩滿帝京

送歷城李明府入計

五陵佳氣薊門東
此地卓書四海同
葉令還為朝會使
漢家新起建章宮
君王受計當天
下月朔垂衣出禁
中臺史莫疑鳧屢
至都人已識馬能
工三齊郡國推高
第百里絃歌播大
風清問即求封禪
草好因文似薦楊
雄

于鱗郡齋

王世貞

春草胡騶出帝京
何如握手又孤城
主恩司馬郎仍在
客禮元龍座盡驚
稍為清尊驅黯澹
漸携孤抱鬪崢嶸
朱絃曉並漳河瑟
白羽秋閒漢塞兵
聞道太行兼郡事
始知嚴助厭承明
新

詩直已藏機甚怪爾猶存海內名

送張觀海

獄中作

楊繼盛

張觀海余未識面自下獄通問不絕主
張羣議之間不恤重禍亦丈夫也以貢
士授偃城訓導不忍別去作此詩以送
之並寄素所知者

相知每恨未相識聞說遠遊情更親曉日乍分
溫室樹文風先度偃城闈稀微殘月明霜劍密
冪孤烟逐曉塵野鳥迥隨征旆沒客袍猶帶曙

光新東觀海氣冲晴漢南望嵩雲接紫宸避俗
祇應求吏隱此行原不為家貧河陽桃李蓓蕾
合洛渚魚龍變化均羶榻謾勞悲冷局清朝亦
自重儒臣心旌搖落懸雙淚守拙吏離愧一身
君愛寒官余愛死古來天地幾痴人

黃河道中別吳生

徐中行

賦別河梁思不禁愀然斜日變春陰艱危未盡
秦庭哭放逐仍同楚澤吟風雨北來三輔暗雲
霞南入九江深窮途豈礙垂天翼散地偏增玩

世心知己千秋高白雪論交四海失黃金相期
後會從藜杖祇恐名山也陸沈

賦得貞石贈雲間吳比部十二韻

何來片石挺孤標閱盡滄桑不動搖五嶽寰中
爭截業九峯江上讓岩堯補天已就千秋色障
海曾回萬里潮碁置星辰分碧落鏡懸日月遮
青霄甘嬰楚荆明投璧恥受秦鞭幻作橋古冶
自堪成鐵劔它山猶可治瓊瑤芙蓉獨秀誰爭
麗松栢相依也後凋漱齒清風高百代觸膚霖

雨徧崇朝論交萬變心難轉比介三公勢不撓
承柱明堂綿玉曆支機青漢掛冰綃竒聲賦擲
天台動王氣書探禹穴遙審樂正逢吳季札并
將擊拊和虞韶

竹里館詩 有序

吳國倫

汪生所居竹里館予友李于鱗徐子與
王允美俞仲蔚並有題詠而允美末句
不勝山陽之悲以其時于鱗初逝也今
生携以示余則子與仲蔚又相繼逝矣

撫卷含凄幾不忍讀屬生索予嗣響因
用元美體應之生名時元字惟一新安
人

竹里名依華子岡何年移傍此君堂鮮筠裊露
丹珠細勁節凌霄綠玉長數畝繁陰飄陸海萬
竿踈雨過瀟湘樽邀梁孝園中月袖拂元卿徑
裊霜羌笛未裁龍競奏秦簫欲截鳳毛翔嫵媚
隔幔琴徽冷葱蒨臨池水脉香居士風流還洛
下故人消息半山陽異時看去同誰好獨有王

猷興更強

送鄒彥吉自黃州太守擢閩中督學

雪淨長江萬木春離懷漫向酒邊陳執珪仕楚
名偏著鼓棹浮湘賦正新遂使清風生蕙圃稍
聞優詔出楓宸試論西漢循良吏誰竝中朝社
稷臣雙隼飛揚辭鄂渚五驄迢遞入甌閩瞻星
只訝文昌麗問俗翻從裔壤親握管三山憑氣
象探珠八水渙精神鱣堂應有關西頌鳳節遙
同博望賓何限美才供巨室更呼遺劍出延津

不知望海高歌處曾憶當年屬和人

金堤同張肖甫賦

謝榛

金隄重到感西風瓠子猶思漢武功雉堞遙連
千樹暝龍珠不見二潭空芰荷老盡飛霜後簫
管寒催落照中白髮滄洲幽事在黃花綠酒故
人同謝安此日遊山劇潘岳當年作賦工無數
峯巒秋色裏高歌相對欲爭雄

寄大司空曾公十四韻

歐大任

雲夢風清麟鳳出祝融天啓八千期幼齡德器
傳三楚壯歲才名冠四陲製錦受徵賢令起含
香入奏省郎推關門策駿趨秦士燕地攻駒走
塞兒已向奉車嚴僕正更從授鉞統戎麾占烏
蜀幕迎開府飲馬巴川待誓師克國諸屯戍
久孔明五月渡瀘遲將軍即壘平都掌元老銘
勳勒九絲夢召灌壇祈父後星寒貫索大江湄
疇咨遂正冬官位宅揆應逢 聖主知眷以股
肱承 簡命真堪五十拜台司朱提宣賜絨文
綺紫誥疏封照赤墀遙想衣裳為壽日正當霄

漢被恩時陪京尚隔瞻槐棘延首河山寄頌詩
二君詠于鱗元美

張獻翼

侍臣高價總班揚二俊才兼七子長辨馬何因
聯鳳署登龍遙羨接鴻行關心西省成千載回
首南枝是兩鄉歷下為誰瞻岱嶽吳中元自說
干將山河不隔雲霞契詞賦同為日月光倘念
平生飛動意可論張緒似春楊

鄂渚送別尊師天目先生之雲南參議

汪時元

分藩益部氣雄哉萬里風雲建節開鄂渚向溥
青翰舫滇池誰似碧鷄才星隨方嶽臨南紀天
轉微垣敞外臺散帙月華金馬出揮毫霞彩點
蒼來秋深桂樹搖詩案春滿山茶映酒杯却似
相如重諭蜀飄飄六傳日南迴

歐楨伯招集存公房同諸子 黃克晦

四門已下先生榻雙樹因過大士家牀上詩書
連釋部桁間袍帶雜袈裟踈簾映日垂垂白絳
帳牽風故故斜古調已知傾海內同聲猶自滿

天涯冰河赤鯉堆霜鱠火圃黃蔬煮綠芽社友
舊曾期慧遠門生今復識侯芭酒中為壽身先
起醉後留歡興轉賒落日龍鐘扶上馬寒空蕭
瑟數歸鴉陰沉九陌雲如葉颯沓千林雪欲花
為問何時還更約吟鞭早拂五城霞

寒食病中寄懷遼左顧益卿及茹懋集二

十二韻

顧冶

寂歷鶯啼落畫屏參差燕語冷柴扃抽毫病澁
猶遺藁廢箸家浮一轉萍夢隔情人春水白愁

連佳節故山青絕知末世新風俗真賴前朝舊
典刑鼎卜文皇扶化日壇開大將走妖星五

千越卒懸遊釜百二秦關表見鏡甘自行間探
虎穴直從老上婦龍庭馬啣苜蓿香留汗俘受
蓬菜血帶腥明主內憂深樂浪孤臣遙度繫
先零廟謨若定長盤石邊計能清半濁涇漢及
苞桑銷亂本胡當破竹具亡形快心狼望聊生
色投足燕然不待銘俸割中丞支衆飽餉添群
戍賈餘靈飛箋遼海紋飄練借秣朝鮮玉在瓶

明詩正聲 卷之四十六
翠閣雲迷陰漠漠紅芳月苦晚泠泠流離伊昔
遭亭伯時命如今屬管寧念汝十年傾蕙苾懷
予萬里輔芝苓鸞音有母邀玄圃鵬翮無兒運
紫溟弱柳含顰低伏枕嬌桃舒笑促揚舲祿逃
介子骸空熱按接梁鴻眼乍醒仙骨消搖寬野
鶴客魂跌宕急原鴿蓉湖歸穩蓮花幕芳草粘
天綠滿汀

明詩正聲卷四十六

